

欽定剿平三省邪匪方略

欽定剿平三省邪匪方略附編卷一

丙寅年

七月十六日

辛酉

方維甸楊遇春奏言

臣

等於七

月初八日戌刻接署寧陝廳事知縣李鼎差報
寧陝左右二營兵丁因六月內加增米折銀兩
已屆三年停止之期有新兵二三百名於七月
初六日子刻來至該廳舊城爬牆進城搶掠於
天明時竄赴新城外教場屯聚並未殺人等情

此時總兵楊芳署理固原提督並未在鎮其護理總兵叅將楊之震亦無稟報臣等查陝安漢中等營例餉之外原有米折銀三四錢不等寧陝係屬新營經前督臣長麟

奏請將寧陝鎮兵照陝安之例每月亦給米折銀四錢嗣經部駁復經額勒登保於嘉慶八年奏請加增米折銀五錢聲請三年後停止嗣後仍

給米折銀四錢永遠爲制嗣准部議寧陝各營
三年後仍給米折四錢之處不宜就現在情形
卽定永遠之例俟三年期滿察看收成情形再
行具奏計至本年六月三年期滿是以臣方維
甸與督臣倭什布於六月奏懇

聖恩仍給與米折銀四錢尙未接准部覆因寧陝中
左城守三營兵丁內鄉勇改充者較多恐以驟

停加增米折或有他說

臣

方維甸復將寧陝山

內存剩包穀二千五百七十餘石借給每兵一

名應得糧一石三斗五升零約計三個月口糧

查該鎮本年已放過三個月管田本色糧石又

將本年春夏兩季米折銀兩全行發給未經扣

抵共有九個月銀糧連所借三個月包穀足敷

一年之食不致缺乏今該兵丁藉詞停止米折

滋事甚屬可惡或其中另有別情亦未可定此等匪徒必須趕緊查拏如敢結夥抗拒尤須懾以兵威

臣

楊遇春由川進京現在行抵西安

臣

等與將軍札勒杭阿面商密派軍標兵一千名撫標兵五百名預備調遣並咨會陝安鎮總兵王兆夢漢中協副將祝廷彪各預備五百名如該匪分竄即可堵拏

臣

等卽行會同帶兵進山

查辦並飛咨署提督寧陝總兵楊芳挑帶固原兵二百名回任其因何滋事緣由俟澈底究明再行馳

奏至所需糧餉

臣

方維甸趕緊預備不致遲悞

同日西安將軍扎勒杭阿副都統祥保蘇爾芳

阿奏言查寧陝新兵滋事

臣

等聞信之下卽向

方維甸提督楊遇春公同商議已派撫標兵五

百名軍標兵一千名交楊遇春帶領前往臣等

將滿兵內亦挑選一千名酌量出派官弁預備

俟有需兵信音卽請於臣等三人內酌量一二

人帶兵贐程前往均奏入

上命軍機大臣傳諭方維甸楊遇春札勒杭阿曰方
維甸奏寧陝標兵丁二三百名滋事搶掠前往查
辦緣由寧陝鎮新募兵丁多係鄉勇改充早慮及

伊等不能安靜寧貼今竟藉停止米折爲辭糾集
二三百人爬進該廳舊城搶掠復竄赴新城外教
場屯聚實屬可恨已極方維甸接據該廳稟報後
卽與扎勒杭阿面商密派滿營兵一千名軍標兵
一千名撫標兵五百名預備調遣並咨總兵王兆
夢副將祝廷彪各預備兵五百名分投堵擊先令
總兵楊芳帶兵二百回陝所辦俱是楊遇春由川

進京行抵西安聞知寧陝鎮兵丁滋事之信卽會
同帶兵馳往查辦能以公事爲重殊屬可嘉卽著
方維甸楊遇春二人進山督率辦理至扎勒杭阿
請於將軍副都統內酌量一二人帶兵前往之處
扎勒杭阿現已年老祥保亦未經歷行陣應令蘇
勒芳阿帶兵前往此外如總兵張鳳等人在軍營
出力之人亦可酌量調遣倘現調之兵尙不敷辦

理卽當於陝省各營再爲調派但總須於陳兵內
擇其曾經出征打仗者方能得力不可派調新
兵致多瞻顧此時方維甸等當一面派兵堵截要
隘一面派明幹文武大員前往剴切曉諭以該
兵丁仰荷豢養生成至優極渥卽以米折一項業
經奏蒙聖恩給與折銀四錢此時各鎮新兵安分
守法卽當將米折之項分別給予爾等有何迫不

及待竟敢肆行搶劫此實罪由自取但其中必有起意爲首之犯其餘多係逼脅附和若能將罪魁縛獻則爲從之犯卽可貸其一死倘慙不畏法尙不自行投出卽當調派各路大兵擒剿無赦如此明白宣示如該犯等將爲首各犯獻出卽當嚴行究辦其業經爬城肆搶者俱應正法此外尙可從寬發遣倘竟敢相率抗拒卽當併力剿辦大示懲

創勿令日久蔓延致滋裏脅此爲至要並查明如
何起事根由或實係因停止米折抑或另有別情
倘查係地方文武各官激而生變卽著方維甸嚴
叅具奏仍曉諭新設各營兵丁現在已一體准給
米折爾等得此養贍正可安心操練俾伊等聞知
各懷欣感益臻鎮定倘辦理尙覺費手或須德楞
泰赴彼督辦伊此時留京辦事並不隨往木蘭儘

可抵往帶兵如果需伊前往卽着方維甸等迅速
具奏

十七日

壬戌

上命軍機大臣傳諭勒保曰昨據方維甸奏寧陝鎮
標兵丁以停止米折爲詞於七月初六日子刻爬
城搶掠於天明時竄赴新城外教場屯聚方維甸
與楊遇春已會商酌帶官兵進山剿辦諒可卽日

完竣該鎮新募兵丁多係鄉勇投充且有從前習
教悔罪投誠情願入伍者本非安分之徒兼聞籍
隸四川者居多今糾衆滋事經官兵入山擒捕或
又畏罪竄逃欲思翻山由棧道潛往川境亦未可
知著勒保卽令提督豐紳酌帶兵勇馳赴七盤關
廣元一帶以查閱七盤關爲名在彼駐劄防堵

十八日

癸亥

方維甸揚過春奏言

臣

等行至石羊

聞接據探報寧陝鎮新兵十餘人糾約滋事於
七月初五日夜間在新城外放火護理寧陝總
兵事叅將楊之震令署理遊擊事都司羅全亮
出城救火旋知兵變倉猝間調兵不及而隨從
附和者益多城內已亂楊之震羅全亮力竭被
戕賊匪遂焚燒遊擊衙署肆行搶掠民人紛紛
逃避亦有被殺者賊匪又裹脅多人於初六日

子刻赴寧陝廳舊城先攻南門該處存城兵祇有二百名夜半猝不及防署同知知縣李晶都司党連陞出署分投堵禦賊匪已潛行爬牆入城党連陞身受矛傷七處李晶親向賊匪曉諭賊匪聲稱業已殺官勢難中止遂在城內搶掠未焚衙署並未將李晶傷害初七日五鼓賊匪約有三四百人由孫家梁竄向甘家砭等情查

此次匪徒自寧陝舊城起竄時不過三四百人

惟甘家砭西南卽四畝地華陽西江口營各路

營汛及寧陝鎮屬營汛弁兵內均有新兵恐其

勾結增多臣等一面帶兵趕緊探剿卽順道彈

壓新兵安撫客民以免蔓延臣等擬飛咨楊芳

於昨調固原兵二百名外再挑兵一千三百名

並飛咨河州鎮總兵游棟雲帶兵一千五百名

來陝又延綏鎮總兵張鳳打仗勇往亦擬咨請
該鎮前來預備帶兵以期迅速歲事奏入

上命軍機大臣傳諭方維甸楊遇春日方維甸等奏
寧陝鎮新兵放火搶掠署總兵楊之震署遊擊羅
全亮力竭被戕都司黨理陞身受矛傷七處賊匪
約有三四百人由孫家梁竄向甘家砭等語該犯
等竟係叛逆殊堪痛恨前因方維甸奏報該犯等

滋事情形不過二三百人爬牆搶掠旋即竄出廳
城並未殺人是以前諭令派員曉諭如果縛獻首犯
則其餘附和之徒即可量從末減今既已放火戕
官肆意搶掠裹脅豈可復事姑息竟當悉力剿捕
大示懲創且甘家砭距四畝地華陽江口甚近該
處各營汛均有新兵若該犯等竄往勾結更爲可
慮此時方維甸等入山剿辦並令楊芳於原調兵

二百名外再挑兵一千三百名游棟雲帶兵一千
五百名總兵張鳳亦經調派預備所辦俱是但恐
賊數增多不可無大員督剿現已降旨令德楞泰
扎克塔爾並帶領侍衛章京數員馳往督辦寧陝
一帶地勢情形德楞泰扎克塔爾二人最爲熟悉
辦理更易得手方維甸楊遇春惟當嚴密圍捕迅
速殲除不可專候德楞泰到彼致有稽延方維甸

侯德榜奏到後如無需伊 仁彼卽回赴省城料理糧餉等事至被戕之楊之震羅全亮受傷之党連陞著方維甸等查明此數員內如有尅扣等事業已被戕卽毋庸置議倘平日居官尙好實因變生倉猝力竭被戕卽當奏明給予卹典仍遵照前旨究明該犯等起事根由據實具奏

同日

上諭內閣日陝西現有查辦事件著派德楞泰同扎
克塔爾馳驛前往其隨帶司員侍衛章京及現在
回任之陝西按察使敦柱西安府知府盛惇崇著
隨同一併馳驛

二十五日庚午倭什布奏言竊臣接據寧陝廳文

武稟報寧陝鎮營新兵數百名因藉詞停止米
折至該廳城內滋事搶掠都司党連陞身受矛

傷護理總兵楊之震遊擊羅全亮現無信息賊

已竄入甘家砭一帶等情臣現已飛咨撫臣方

維甸署提臣楊芳並嚴飭附近各鎮協四面截

拏外至甘省兩當徽縣一帶與陝西黑河雲霧

山等處毗連該犯等現由寧陝廳竄至甘家砭

係自東而西恐從此竄入川境並竄匿徽兩一

帶鳳縣爲入棧要路臣由兩當鳳縣迎頭堵捕

較爲遲捷一面飛咨四川督臣一面卽星馳赴該處督飭地方文武趕緊查辦俟探知前途情形如必須大加懲創再就近調兵辦理奏入

上命軍機大臣傳諭倭什布曰寧陝新兵敢於放火戕官肆意搶掠其爲叛逆顯然豈可復存姑息惟當悉力剿捕不必再爲招撫之計現在方維甸楊遇春等業經帶兵往剿復經特派德楞泰赴陝督

辦倭什布此時着不必再行赴陝惟應於甘省交界處所悉力堵截前已諭令勒保飛飭豐紳帶兵在七盤關一帶駐紮堵剿設該督探聞該犯等人數較多即當調派甘省官兵與陝省川省之兵三面合擊倘防堵不嚴致被闖入兩當徽縣一帶則惟倭什布是問

二十六日

辛未

倭什布奏言

臣

刻下接據署陝西

石泉縣知縣陳澍稟報有護理總兵楊之震遊
擊羅全亮之跟役三名逃至該縣稟稱伊主等
於初五日夜間被賊匪四百餘人焚燒衙署倉
猝被害伊等搶得印信逃奔呈報並繳出總兵
印信一顆銀一百一十兩現在收貯等情

臣查

該兵等肆行不法實堪髮指現卽就近調撥河

川鎮標勁兵五百名派令將備帶領隨

臣

星夜

兼程前進截其竄逸四川甘肅之路頃接方維
甸咨報業經

奏明會同提臣帶兵進山剿捕並令寧陝鎮總兵
楊芳挑帶固原提標兵二百名帶印回任等情

臣

查寧陝各營附近新兵居多設或勾結竄擾
必須留兵堵禦此時楊芳僅帶兵二百名爲數
尙少未免勢弱若在該處新兵內調撥伊等平

日聲氣相通勢難得力臣現在飛飭該總兵楊

芳於原派二百名外再行添撥勁旅一千名由

固原倍道前進臣隨帶河州鎮標兵五百名由

兩當至鳳縣會齊相機堵剿奏入

上命軍機大臣傳諭倭什布曰倭什布奏楊之震等

跟役三名搶得總兵印信呈繳一節該跟役等當

倉猝之際能知印信爲重搶得呈繳尙屬可嘉著

倭什布查明該跟役三名酌加獎賞其總兵印信
卽委員送交楊芳收用至楊芳帶兵二百名爲數
較少自應酌量添撥倭什布以各處新兵恐其聲
氣相通勢難得力仍飭派固原兵一千名所見甚
是但此等新兵散布多營該督當早爲剴切撫諭
俾知感畏安分守法不致潛被勾結爲要

二十八日

癸酉

方維甸楊遇春奏言查寧陝鎮屬

新兵較多聞官兵入山訛傳剿洗新兵人心惶懼
倘有反側於事大有關係

臣

等帶兵入山先將

祇誅叛匪並不株累無辜之意明白宣示到寧

陝時留兵城外

臣

等輕騎前行住宿城內查明

不肯從賊各兵酌加獎勵並查明附和搶掠兵

丁李騰雲卽行正法新兵俱各畏服且言新兵

中有如此敗類同深憤恨告請隨往殺賊察其

辭色尙出至誠內有會隨臣楊遇春打仗之人

業已擇其奮勇可靠者每營各帶數十名至一

百餘名不等山內兵少分汎難以抵禦就近歸

併大營以免勾結至此大滋事緣由係兵丁陳

達順額外外委陳先倫兵丁王俸等爲首兵丁

王文龍蒲拜子田洪全陳才劉月盛康朝俸等

亦係同謀伊等均係軍功入伍桀驁性成憚於

約束相約訂盟結拜以便抗官該管弁員因禁
止結拜責治稍嚴心生忿恨楊之震到署任未
久不能如楊芳之素爲兵心所服陳達順等以
同黨祇有十餘人難於起首探知本年六月係
加增米折三年屆滿之期遂指稱自七月後不
但不給加增米折卽四錢米折亦不准給日用
不敷莫若出外搶掠密布謠言附和遂多初五

日夜間放火內外響應附和之人原思搶得銀兩各自逃散未敢戕官陳達順等遂乘楊之震羅全亮抵禦之時競前戕害並喊稱旣已戕官逃散拏獲亦是一死不如成股奔竄是夜遂至寧陝廳城經署同知知縣李晶再三曉諭不從所有新舊城營軍器餉銀全行搶去寧陝廳獄囚十名亦皆刼放現有自行投回之絞犯郭老

么等六名卽行查案辦理賊匪自寧陝西竄後
復滋擾四畝地營由毛坪向西南奔竄臣等兼

程追躡所帶兵丁大半係未經入山之人行走

已多落後連日大雨河漲實屬萬分焦急查漢

中協各營新兵較多揣度賊竄方向恐由華陽

留壩江口至漢中各新營滋擾勾結臣等卽帶

兵兼程趨往漢中一帶迎截務期會合兵力一

鼓殲擒再寧陝受傷都司党連陞共有矛傷七處四傷較重餘傷畧輕寧陝鎮總兵遊擊都司同知關防均未遺失再此次所調官兵入山合無仰懇

聖明准照剿兵錢糧支給以足兵食至應需口糧現已妥爲籌備不至缺乏奏入

上命軍機大臣傳諭方維甸楊遇春曰方維甸等因

帶兵入山恐訛傳剽洗新兵致滋惶惑當卽明白
宣示以官兵祇誅叛匪並不誅累無辜俾新兵俱
各畏服所辦甚得要領與朕前次諭旨適相脗合
惟此項新兵滋事現經該撫等訪察係兵丁陳達
順額外外委陳先倫兵丁王俸爲首該犯等業經
入伍食糧並有充當額外外委之人乃膽敢肆行
不法謀爲叛逆實可痛恨所有首逆陳達順等三

犯拏獲後當卽凌遲處死其同謀之兵丁王文龍
蒲拜子田洪全陳才劉月盛康朝俸等均屬目無
法紀擒獲後俱應按律嚴辦至所稱該逆等起事
緣由尙未明確該管員弁如果祇因禁止營中結
盟將該兵丁嚴加責懲原屬分內應行管束之事
乃該逆等竟因此率衆滋擾戕害該管員弁則楊
之震羅全亮之抵禦被害情實可憫仍當照例給

予卹典若該管員弁實有剋扣餉項苦累兵丁釀成事端則其被戕亦無足惜自可置之不議此二節仍着方維甸等訪查確切據實具奏不可稍有徇隱署同知李晶旣無別項情事自當令其照舊供職毋庸再行查辦至逆匪竄入寧陝廳城獄囚十名亦皆刼放所有自行投回之絞犯郭老么等六名尙知畏法着卽施恩減等發落其未經投回

之四犯候拏獲時照例加重辦理又奏調派官兵
入山懇請照剿兵錢糧支給以足兵食等語著照
所請支給此等叛匪孽由自作該撫等惟當實力
剿捕迅速殄除勿令日久蔓延其未經附逆新兵
仍當明白曉諭妥爲安撫勿被煽惑

上又命軍機大臣傳諭德楞泰曰本日據方維甸楊
遇春奏到山內新兵安撫寧貼並兼程剿辦緣由

據稱揣度賊匪所竄方向恐由華陽留壩江口至
漢中一帶滋擾勾結是賊蹤確竄何處該撫等尙
未得有的信着德楞泰加緊遄行馳賠方維甸等
並留心偵訪確探擒剿將該匪等有無勾結裹脅
之處查明具奏所有寄方維甸等諭旨及伊等原
奏均著鈔寄閱看

八月初八日

壬午

德楞泰奏言

臣

於七月十九日

恭請

聖訓後卽於次日帶同扎克塔爾並率領司員侍衛
章京等由驛起程八月初一日行抵山西靈石
縣因河東道劉大觀前來接見據稱探聞陝省
寧陝叛賊賊目有苟文興孫貴陳才陳先龍王
大才等現在奔竄洋縣之華陽戕害文武官員
慘殺兵民隨竄至留壩等處現有二千餘人騎

馬者二百餘人並探得叛賊會發有傳帖至各
新營勾結留壩營兵未經接收各等語臣聞信
之下不勝髮指現在臣一面咨詢撫臣提臣等

此時剿辦情形一面倍道馳赴西安籌辦進剿
至目前賊勢既已聚集多人肆行竄擾必須先
將各營未動新兵妥爲撫輯以免勾結其叛賊
滋擾地方交界之處亦須嚴行防堵除川省交

界業經奉

旨諭令勒保派兵前往廣元一帶防守外其留壩西
北界連甘省兩當徽縣等處其興安平利一帶
又與湖北竹山鄖陽等處連界臣現已分咨倭
什布全保各就要隘處派兵防守並就近飭令
鄖陽鎮總兵呢瑪善令其一面設防一面遴選
勁兵以備調遣

同日倭什布奏言竊

臣

途次金縣就近飛調河

州鎮標兵五百名並令

臣

標左營叅將王興朝

帶同官弁兵丁一百二十一員名隨

臣

兼程前

進現在行抵秦州距鳳縣不過五百餘里探知

叛賊在洋縣留壩所屬一帶分股焚掠意欲勾

結各營新兵竄入棧道因河水盛漲各處戒嚴

未能偷渡尙在華陽及二郎壩等處滋擾等情

臣現在督率兵丁星夜前進俟到鳳縣偵探賊

蹤相機堵剿

臣

方維甸等另調河州鎮標兵一

千五百名亦取道鳳縣

臣

現在就近帶同前進

均奏入

上命軍機大臣傳諭德楞額奏到行抵山西靈石縣沿途緝詢寧陝新兵滋事竄擾情形尙屬隔省傳聞信息正在降旨飭諭間又遞到倭什

布在秦州途次所發之摺據稱探知叛賊現在洋縣留壩一帶分股焚掠意欲勾結各營新兵竄入棧道因河水盛漲各處戒嚴未能偷渡尙在華陽及二郎壩等處滋擾倭什布現卽取道鳳縣迎頭截堵等語雖所奏亦係偵探情形但秦州距鳳縣五百餘里去留壩一帶稍近或所聞較爲真確至所稱叛賊會發有傳帖至各新營勾結留壩營兵

未經接收等語可見新兵中不甘從逆者亦復不
少德楞泰到陝後一面將新兵妥爲撫輯仍查明
各營內如留壩兵丁之未經接收叛賊傳帖者酌
加獎勵其從逆者無論兵民惟當一律剿洗卽有
被賊情急不得已者亦不得稍從寬典總之叛者
誅之不叛者獎之庶使衆心共知威畏又據稱賊
匪現有二千餘人騎馬者二百餘人等語恐傳聞

賊數亦未真確如果馬賊較多必須馬隊馳聚追擊現在吉林黑龍江兩處官兵隨從進哨者計有四十員名當諭令溫春富翰卽由波羅河屯迅速分帶馳往應用

上又命軍機大臣傳諭倭什布曰倭什布奏現在賊旣阻水不能竄入棧道正可就地堵剿勿令肆竄前會諭令該督在於本境防範不須越境追剿但

此時叛賊既竄至華陽等處而方維甸楊遇春兜
剿之兵曾不馳抵漢中尙無消息倭什布既距賊
甚近斷無任聽叛賊在彼滋擾之理該督前自甘
省起程已調派河州官兵五百名并將本標官兵
一百二十一員名帶同前往又有方維甸另調河
州鎮標兵一千五百名取道鳳縣亦已就近帶同
前進該督既帶官兵二千餘名足敷堵剿着卽探

川賊蹤迎往剿捕不得在本境株守該督卽或不
能將賊匪痛剿淨盡亦總應設法堵禦使賊匪不
能他竄以便陝省官兵到時合力剿辦

初九日

癸未

方維甸楊遇春奏言

臣

等自寧陝馳

抵兩河是夜疾風暴雨大河水漲無船可渡卽
繞道過行接據探報賊匪於初七日夜間到四
畝地營焚掠千總何斌伏被傷十二日至毛坪

汎護千總經制外委馬萬春被害是夜竄擾華
陽營叅將何占鰲登堡城守禦被矛戳傷墜落
堡外印信遺失賊匪已竄及二郎壩地方以上
所過營汎皆係勾結新兵內應以致失守等情

臣等查華陽二郎壩南通城固洋縣該處民人

紛紛逃避_臣等卽連夜橫行馳抵洋縣城固一

帶適值霖雨五日夜不止江河並漲所帶軍撫

標兵全被水阻惟山內挑帶新兵俱來會合此
等新兵原屬不可深信而奔走山險打仗奮勇
實有微長原擬俟固原河州得力之兵丁到來
率同進剿但固原河州官兵尙無到陝之信探
得賊匪亦因水阻在佛葉坪栗子壩一帶游奕
有由西江口武關滋擾漢中之意漢中係五方
雜處之地川省客民尤多臣等萬分焦急現擬

將軍撫標兵丁設法濟渡帶同各營新兵卽日
分路追逼出山且不使擾及漢中卽可爲一鼓
殲擒之計再賊匪在寧陝搶掠後卽有潛逃之
人_臣等嚴飭查拏茲在城固拏獲從賊之甘家
砭汎兵舒貴一名在南鄭拏獲從賊之寧陝左
營兵丁胡振江一名在安康拏獲從賊之中營
兵丁王崇德王發元二名訊明後均卽正法奏

入

上命軍機大臣傳諭德楞泰方維甸楊遇春曰本日
方維甸等奏賊匪於上月初七日夜間到四畝地
營焚掠千總何斌伏受傷十二日至毛坪汎經制
外委馬萬春被害是夜竄至華陽營叅將何占鰲
登堡城守禦被矛戳傷墮落堡外印信遺失現在
賊匪竄至二郎壩地方所過營汎皆係勾結內應

賊數有一千數百名昨德楞泰在山西途次所發
奏報據稱陝省叛賊苟文興等現竄華陽等處戕
害官民人數約有二千餘名騎馬者二百餘人與
今日方雜甸摺內所叙情形大畧相同該逆等竄
到華陽各處恣意焚掠並處處勾結內應傷害官
員是竟公然叛逆可恨已極看來各處汛守官員
俱未必有激變情事所有此次被害外委馬萬春

卽著咨部賜卹叅將何占鰲千總何斌伏如被傷不
能就痊亦着照例賜卹其前此方維甸奏到被戕
之署總兵楊之震署遊擊羅全亮及被傷之都司
党連陞如不能平復此時亦不必再查賊匪起事
根由俱着加恩分別賞卹此外查有被戕官兵亦
着照此辦理所有節次被害之官員兵丁內如查
有山鄉勇充當新兵在營拔用者尙當加一等賜

卹並著德楞泰等通諭各處新兵以爾等同係入
營充伍之人當明大義現在新兵內守泚陣亡之
人爲國捐軀俱蒙皇上天恩特行加等賞卹汝等
若能認真出力踴躍戰守不爲叛賊所惑將首逆
各犯奮勇殲擒自當加倍陞賞不可不自知顧惜
舊勉立功如此明白曉諭庶各處新兵心志堅定
不致再被賊匪勾結至爲首逆犯前據方維甸奏

稱係陳達順陳先倫王俸三人王文龍蒲拜子出
洪全陳才劉月盛康朝俸六人同謀而昨日德楞
泰摺內則係苟文興爲首此外另有孫貴陳才王
大才陳先龍等數人德楞泰發摺時尙在晉省已
探聞爲首之人方維甸在本省地方距賊甚近豈
轉未詳探得實著再確查具奏並卽懸立賞格如
有能擒獲首逆者卽照徐添德等逆之例兵丁賞

銀一千兩擢予官職官員則加倍優擢此外伊等
奏到各賊目如兵丁內有能拏獲者賞銀五百兩
官員加恩陞擢俾闔營大小官兵共知鼓勵奮勉
爭先將首夥各逆按名殲擒庶易肅事至現在賊
匪因阻水在佛葉坪栗子壩一帶游奕該處距漢
中甚近尤當防其奔突必須趁其阻水之際一鼓
殲除不可不趕緊剿辦德楞泰接奉此旨卽著迅

速行走馳抵該處率同楊遇春等設法剿除設尙
覺兵力不敷德楞泰酌量應於何處酌調卽一面
奏聞一面調撥不可遲緩方維甸侯德楞泰到營
後著卽馳回省城將糧餉及地方事宜督同藩司
朱勲妥爲經理

上又命軍機大臣傳諭山西巡撫同興曰陝省現在
征調官兵需用餉項著同興於晉省藩庫本年應

徵未完地丁項下湊撥銀四十萬兩迅卽派委妥員解交陝西藩庫收貯備用

十一日

乙酉

方維甸楊遇春奏言連日山水漸消

軍撫標兵丁始陸續過渡趕來聞西江口新兵亦在江上營起事滋擾與賊匪響應已有數十人擾及八里關大道據漢中府知府朱綬稟報江口距漢中甚近漢中新兵已經調出現在城

守空虛急須兵力

臣

等當卽飛飭遊擊馬德並

續調之遊擊馬續帶領軍標兵丁一千名先行

馳赴漢中以防該匪竄出旋據報寧陝賊匪仍

自栗子壩折回西江口該匪尾隨會合由桅桿

石小河口向東南奔竄

臣

等隨復向東追截二

十九日晚間探得該匪由土地嶺雙溪竄向東

西原公掠食初一日

臣

等卽派現帶各兵冒雨

迎往因連日雨後山水又發無船可渡該匪在
河東亦不能渡未刻始潛行逃竄是日傍晚河
東有洋縣逃來民人隔河喊稱本日午刻賊匪
潛分一股由留村馬廠一路竄至洋縣東北攻
擾會縣官督率民夫防守不料西城外有數十
人執打官兵旗幟聲稱係分派來縣協防察看
衣帽與官兵無異城上民夫辨認不清正在遲

疑賊匪紛紛放箭乘民夫退避之時爬城而上

城中隨即火起會縣官不知下落等語

臣

等聞

信之下萬分焦灼一俟河水稍落卽設法淌渡

趕辦至前調固原官兵現聞亦已入棧

臣

等專

員持令迎催並飛催河州官兵以便分路圍剿

寧陝總兵楊芳本將先派固原兵二百名帶來

途中聞該匪竄擾各營楊芳輕騎先由斜峪關

入山一路安撫新兵由平坎銀母寺前進因聞
該匪東折亦連夜向東南趕來初一日三鼓已
抵壩水河與臣等會晤奏入

上命軍機大臣傳諭德楞泰方維甸楊遇春曰據方
維甸等奏稱西江口新兵亦在江口營起事滋擾
與賊匪響應已有數十人擾及八里關六道等語
此數十人者係江口營新兵另起滋事該營兵丁

共有若干名滋事者是否祇此數十人未據叙明
又據稱洋縣西城外有數十人執打官兵旗幟衣
帽聲稱來縣協防卽放箭爬城而上該處爬城之
數十人均屬官兵裝束又係何處賊匪是否卽係
江口營之數十人並未詳細聲叙又據稱漢中新
兵已經調出現在城守空虛飛飭遊擊馬德等帶
軍標兵一千名馳赴漢中以防該匪竄出等語漢

中係屬郡城前據探知賊匪等向彼奔竄自應將
該營兵丁酌留守城何以全行調出以致城守空
虛此時轉需另撥軍標兵丁前往防禦又據稱寧
陝總兵楊芳本將先派固原兵二百名帶來途中
聞該匪竄擾各營楊芳輕騎先由斜峪關入山一
路安撫新兵由平坎銀母寺前進等語楊芳係總
兵大員既經帶兵剿賊何以又忽輕騎入山是否

因所帶之兵落後未能趕上未免過形輕率看來
方維甸等辦理竟無把握朕心深爲厯念著德楞
泰接奉此旨加緊趲行赴彼督辦德楞泰到後如
亟須馬隊卽速由五百里馳奏此外巴圖魯侍衛
等向來帶兵出力者如果需用卽著指名奏請派
往至陝省兵丁究恐不足深恃現已諭令勒保飭
知豐紳帶兵數千名赴陝協剿不得僅於邊境堵

禦本年春間因臺灣用兵曾令川省飭調屯練兵
丁二千名今已諭知勒保仍令預爲遴派聽候應
調如德楞泰處現調兵力不敷卽一面奏聞一面
飛咨勒保將此項屯練調往可資得力此外鄰近
省分如尙有得用之兵可以調用者亦不妨一面
奏聞一面咨調以期迅速肅事此次滋事匪徒必
當痛加殲洗以靖地方德楞泰奮勇有素務當倍

加奮勉鼓勵官兵上緊督辦不可稍有稽延

上又命軍機大臣傳諭勒保曰此次匪徒多係從前
降賊鄉勇現在公然謀逆到處勾結不可不痛加
懲剿已諭令德楞泰加緊備赴督辦惟陝省兵丁
不足深恃豐紳現在自己帶兵前抵邊境堵禦著
勒保飭知該提督卽帶原領之兵徑赴陝境探悉
賊蹤與德楞泰會商夾擊如兵力稍單該督卽於

就近營分再酌調一二千名應用其七盤關廣元
一帶著勒保另派安員帶兵駐劄堵禦至德楞泰
處需兵如或不敷則於川省調往最便本年春間
因蔡逆滋擾臺灣會令該督備調屯練兵二千名
旋即停止著勒保接奉此旨仍卽速行調集到省
聽候現已諭知德楞泰如需用時令其一面奏聞
一面咨調勒保於接奉後可卽派令馳往應用

十六日

庚寅

勒保奏言伏查寧陝鎮新兵滋事

臣

前接陝西撫臣方維甸來信卽密派總兵田朝貴唐文淑等各帶兵一千名以每年八月循例會哨爲名前赴太平大寧一帶偵探情形密爲防禦旬日探報此起叛賊於七月初五滋事之後聚集已有一千餘人並有戕官劫庫焚燒衙署兵房之事近在四畝地屯紮分股竄擾裹脅

日多人數又有加增臣查棧道如留壩褒城沔

縣寧羌等處各營多有此項新兵設再勾結響

應更不成事現在太平大寧已有總兵田朝貴

唐文淑帶兵防堵可以放心惟寧羌壤接廣元

不可不密爲籌備日來臣正與提臣豐紳商酌

擬派官兵前往巡察並於省標建昌松潘等營

預備兵二三千名以資調用茲奉

聖明指示特令豐紳前往七盤關一帶駐劄防堵仰

見

睿照靡遺

臣

等更覺得有把握隨令豐紳馳赴廣元

七盤關一帶駐劄就近將省標預備之兵一千

名帶往於本月初二日起程設或尙需兵力接

濟當飛咨

臣

將預備之松潘建昌等處官兵一

併檄調前往以期得力奏入

上命軍機大臣傳諭勒保豐紳德楞泰曰寧陝逆賊
滋事一案現在分股奔竄陝省新兵較多恐被其
勾結煽誘實不成事今勒保亦稱棧道留壩褒城
沔縣寧羌等處在在多有新兵恐其勾結響應不
可不密爲籌備等語所慮甚是與朕意正合前經
降旨令豐紳於到邊境後探聽賊蹤徑赴陝境與
德楞泰會合夾擊並恐其兵力尙單令勒保再於

就近營分酌撥二三千名交令帶往其廣元七盤
關一帶另行派員防堵豐紳於到邊境後仍當詳
細確探如逆賊遠竄業經陝省辦盡則已設尙未
辦盡該提督卽迅速帶兵馳赴陝境將賊匪迎頭
痛剿與陝省官兵收夾擊之效其勒保預備建昌
松潘等營兵二千名如果需用卽可酌量調遣交
豐紳管帶赴陝

十七日辛卯倭什布奏言臣按據探報寧陝叛賊

於二十日擾至西江口營護理遊擊田得登城
守禦不意本營新賊六七十人內應以致失守
田得力竭被賊衙署卷宗軍械等項焚燬殆盡
叛逆等因水阻仍在該處屯聚二十八日先令
百餘人沿河奔竄意在躡淺偷渡探聽虛實經
留壩營都司顧應全署同知李承道見有逆賊

四五人浮水過河卽督飭兵丁用長矛戳斃二
名落水餘賊驚竄折回原路我兵隔水不能追
剿該逆等合同大股東竄原公地方初一日至
洋縣假裝官兵爬城而上城中火起知縣曾彰
泗不知下落等情臣聞信之下愈深痛恨卽欲
併力追擒惟念徽縣兩當沿邊一帶在在毗連
陝境必須籌備妥辦且聞撫臣方維甸提臣楊

遇春等由東南進兵正當賊衝勢必就近迎剿

若_臣帶兵盡數前進倘該匪偵知西路空虛復

行折回不免顧此失彼隨令河州總兵游棟雲

帶領該標兵一千五百名星夜追蹤馳赴城固

洋縣一帶會同方維甸等合剿_臣率同靖遠協

副將吳亨衍並前派叅將王興朝等所帶兵五

百名在於鳳縣一帶督飭文武緊守要隘安輯

居民並另行調派寧夏總兵汪啓帶領該鎮兵
丁一千五百名又添調臣標兵丁五百名飭令
趕赴行營會集如探聞該逆有西竄信息卽馳
赴前途迎頭截擊以冀全數撲滅奏入

上是之